



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Cap. V. Quo tempore & quo loco prima Missa ab Apostolis celebrata sit.
Quis ex illis primus omnium celebraverit. Quo apparatu, quibus vestibus,
quibus verbis, quâ linguâ. Addita quaedam de linguarum ...

urn:nbn:de:hbz:466:1-10805

eo qui præsidet, orationem haberi, qua populum instruit, & ad mitationem eorum qua lecta sunt adhortatur. Post hæc consurgere omnes, Deumque precari, offerri deinde panem, vinum, & aquam, & reliqua fieri, quæ supra commemoravit. Optatus Milevitanus lib. 1. meminit Ecclesiæ & altaris, in quo Cyprianus, Lucianus, & alii sancti Episcopi celebraverant. Dionysius cap. 3. *Eccles. hier.* postquam magnificis verbis fularis hostiæ oblationem, & sacrificii excellentiæ extulit, Pontifex, inquit, de sacrificio dignitatem suam superante se purgat, Christum prius exclamando: *Tu dixisti: Hoc facite in memorem commemorationem.* Cyprianus epist. 63. 2d *Cœsilium*, quosdam reprehendit, qui in calice Dominico sanctificando, & plebi ministrando non hoc faciunt, quod *Iesus Christus Dominus, & Deus noster sacrificii bujus autor & Doctor fecit, & docuit.* Eusebius lib. 1. *Demonstr. Evang.* cap. 10. postquam multum differuit de sacrificio à Christo instituto, tandem concludit, nos sacrificare memoriam celebrantes magni illius sacrificii, secundum mysteria, que ab ipso tradita sunt. Ambrosius in precatione ante Missam: *Ego Domine, inquit, memor venerandæ passionis tue accedo ad altare tuum, licet peccator, ut offeram tibi sacrificium, quod tu instituisti, & offerri præcipiti in tui commemorationem pro salute nostra.* Augustinus lib 83. quæstionum quæst. 61. *Sacerdos nosser in æternum secundum ordinem Melchisedech scipsum obtulit holocaustum pro peccatis nostris, & ejus sacrificii similitudinem celebrandam in sue passionis memoriam commendavit, ut illud, quod Melchisedech obtulit Deo, jam per totum orbem terrarum in Christi Ecclesia videamus offerri.* Possem hic longum sanctorum Patrum Catalogum texere, assertum sacrificium nostrum à Christo ad Apostolos, ab ipsis ad nos profluxisse; sed nolo in re clarâ & indubitate nimia prolixitate gravare lectorem.

CAPUT V.

Quo tempore, & quo loco prima Missa ab Apostolis celebrata est. Quis ex illis primus omnium celebraverit. Quo apparatu, quibus vestibus, quibus verbis, qua lingua. Addita quadam de linguarum mutatione. Cur lingua vulgo ignota Ecclesiastice functiones peragantur.

Quia Christus in ultima Cœna, qua corporis & sanguinis suu tremendum sacrifici-

um instituit, omnes Apostolos Sacerdotio initiat, tributæ eis consecrandi potestate, ut unanimi consensu Sancti Patres & Theologi asservant: hinc orta est controversia, quandonam cœperint tradita sibi facultate uti, statimne ac Dominus à morte redivivus surrexit, an post adventum Spiritus Sancti. Silent de hac re Scripturæ, silent antiqui Patres: vulgus autem Scriptorum in duas partes scissum est. Quidam putant, abstinuisse Apostolos à celebratione in triduo Passionis utpote moestos de necce sui Domini, & dispersos sicut oves absque pastore; depulsā verò moestitiam per gaudium Resurrectionis nihil obstitisse, quin illicè Sacrum peregerint, ut hunc supremum cultum redderent Deo, sive in gratiarum actionem pro gloriofa Magistri à mortuis Resurrectione, sive in memoriam acerbissimæ mortis ejus, sive pro sua, aliorumque Fidelium consolatione: idque fervidus eorum zelus, amorque ardentissimus, & aliae quædam congruentiae, quas affert Raynaudus *lib. de prima Missa scilicet. I. cap. 2.* persuadere videntur. Alii existimant, nequaquam ausos fuisse tam sublime ministerium aggredi, donec ad illud disponebentur divinæ gratiæ plenitudine, qua in adventu Spiritus Sancti imbuti sunt. Et hæc quidem sententia probabilior mihi videtur, cujus præcipuum momentum ex eo deduci puto, quod, ut affirmant melioris notæ Theologi, adhuc lex antiqua usque ad Pentecosten vigebat, novum nondum sufficienter promulgatam; nec decebat novum offerri sacrificium, Sacerdotio nondum translato. Favent Actus Apostolorum, in quibus cap. 2. legimus, Apostolos accepto Spiritu Sancto hortatos esse populum ad poenitentiam, continuoque subdunt, fuisse eos Perseverantes in communicatione fractionis panis, & orationibus: cumque eadem verba ante descriptam missionem Spiritus Sancti Lucas cap. 1. dixisset, nullam facit mentionem fractionis panis, sed erant, inquit, perseverantes unanimiter in oratione, & observaciones; quia nimis ante Pentecosten nondum erat usus Sacrificii, & Communionis. Suffragatur huic sententia Hesychius in cap. 9. *Levitici*, dicens, Christi sacrificium innotescere capisci ex quo Spiritus adveniens Parthos & Medos, & Elamitas, & omnium gentium primitias ad Apostolorum Cœnaculis superiora colligit. Consentit quoque Paschasius *lib. de corp. & sanguine Domini* cap. 21. Ex quo, inquit, renovati sumus sancti Apostoli per adventum sancti Spiritus de Cœlis, & inebriati muso Charitatis; ex eo sand credimus hunc

V. v 3. calicem.

calicem in Ecclesia consecratum, quoniam ille spiritus veritatis, in quo renovati sunt ex vestestate, induxerat eos in omnem veritatem, & confirmaverat in plenitudinem Doctrinæ. Primum igitur Christianæ Ecclesiae sacrificium Hierosolymis peractum est, in ipsomet Cœnaculo, in quo Spiritum Sanctum acceperant, non à Jacobi Fratre Domini, ut lib. de Apost. Liturgia existimat Genebrardus; sed à Petro Principe Apostolorum, ut scribit Demochares, Tom. 2. de Missa, cap. 5. Nemini enim convenientius hæc prærogativa tribui potest, quam Petro. Quem, ut verbis utar S. Leonis Magni Serm. 3. in sua Assumpt. omnibus Apostolis, cunctisq; Ecclesiæ Paribus Christus præposuit, cui confortium potentia sue tribuit divina Dignatio. Recte Aterius Amasenus Hom. in Principes Apostolorum: *Sicut Petrus primus omnium Gentibus ac Israëlitis tanquam Episcopus & Pastor omnium prædicavit; ita credendum cum primum sacrificium obtulisse.*

11. Quis vero qualis fuit primi hujus sacrificii apparatus, incertum est; vixque aliud dici potest, quam omnia decentissimè composita, & ornata fuisse, quantum loci, temporis, personarumque conditio, atque aliae circumstantiae permittebant. Succensa lumina non desuisse credibile est, illorum enim usus in Sacris apud Hebreos vigebat, quibus iussiter Deus Exodi 25. & Levitici 24. aureum Candelabrum in templo fieri; & lucernas septem. Adhibitam quoque vestem à profana, & communi distinctam, quamvis negent Hugo Victorinus lib. 2. de officiis Eccles. cap. 11. & Walfridus Strabo c. 24. consaneum videtur Apostolicæ pietati, & reverentiæ erga tantum mysterium, cum præsertim ante oculos haberent Sacerdotum Legitimum exemplum, imò & Gentilium, quibus in sacrificiis vestis erat peculiaris. Planetæ S. Petri ab Antiochia Parisios delatae, & in templo S. Genovefæ collocatae meminunt in vita S. Hugonis Cluniacensis alter Hugo ejusdem Monasterii Monachus apud Surium die 29. Aprilis. Sacram item vestem S. Johannis Evangelista Gregorio Magno transmissam refert Joannes Diaconus in ejus vita l. 3. c. 59. Sunt & aliae quædam historiæ de vestibus Apostolorum, quibus in oblatione divini sacrificii usi fuisse dicuntur, quarum dubia est fides, tum propter antiquitatem, tum propter Vet. de illis silentium. De Penula Pauli Troade relata, quam Planetam sive Casulam fuisse plerique existinant, sermo erit infra capite XXIV. Puto autem hic locum habere regulam traditam ab Augustino lib. 4. de Baptismo cap. 24. Quod

universatenet Ecclesia, nec à Conciliis institutum sed semper retentum est, non nisi auctoritate Apostolica traditum rectissime creditur. Audaciū igitur quā par esset Nicolaus Alemannius in Dissertatione de parietinis Lateranensis capite 9. sacrarum vestium usum non solum Apostolis, sed etiam Apostolicis viris abnegat; idque ait explodendum esse tanquam ridiculum, & ab omnibus viris doctis improbari. Nimirum prorsus audacia. Nemo enim negabit viros doctos fuisse Waldensem, Democharem, Baronium, Stapletonium, Saussayum, & alios contraria sententia assertores. Facemur quidem Christum non aliis quā propriis vestibus indutum hoc Sacramentum instituisse: Apostolis vero, & Apostolicis viris sacra indumenta auferre nemo potest, nisi simul ostendat à quo primum fuerint introducta, alioquin regulæ ab Augustino traditæ, & Concilio Tridentino adversabitur, à quo s. 22. cap. 5. inter cætera, quæ pia Mater Ecclesia sacrificio adhibet ex Apostolica disciplina & traditione, vestes recensentur. Honorius in Gemma animæ cap. 89. Apostolos ait, & eorum successores in quotidianis vestibus Missas celebrasse: mox subdit, *Sed Clemens tradente Petro Apostolo usum sacrarum vestium ex lege sumpsit;* & Stephanus Papa in sacris vestibus Missas celebrari coniit. At hæc quis non videt alystata esse? Nam si tradente Petro usus sacrarum vestium sanctus est, quomodo Apostoli, & eorum successores, Apostolorum Principis traditionem seu præceptum neglexerunt in quotidianis vestibus celebrantes? Stephanus autem id tantum decreuisse dicitur, ne ministri vestes sacras ferrent extra Eccleiam. Joseph Vicecomes, ut probet, Apostolos profanis indutos vestibus sacrificasse, naçcentem Ecclesiam summa rerum inopia labrassæ, & pecunia caruissæ ait, quæ vestes peculiares ad usum sacrificii compararet: tum inquit, Gentiles id nequam permisuros, quorum persecutioni se palam exposuissent, si diversa à communibus vestimenta in Sacris abhibuissent. Sed istæ objectiones suo vitio cadunt. Ex Actibus siquidem Apostolorum constat, eos qui ad Christum convertebantur prædia vendidisse, eorumq; pretium Apostolis obtulisse, quo abundè poterant & egenorum necessitatibus providere, & vestes ac reliqua emere, quæ ad sacrificii usum requirebantur. Nec illis Christi discipulis, quos Evangelium divites, & potentes vocat, pietatem defuisse credimus ad emendas vestes Apostolis inquietum Sacrificium offerentibus, qua



qua prius moti fuerant ad pretiosa aromata comparanda, quibus corpus Christi mortuum ungeretur. Quod vero de Gentilibus addit, inane est: non enim publicè Sacris operabantur Apostoli, sed in locis ab infidelium notitia remotis, servata ab omnibus inviolabilis silentii fide, sine testibus, sine arbitris. Unde est illud Tertulliani in Apologetico cap. 7. *Si semper latemus, quando proditum est quod admittimus?* Imò à quibus prodipotuit? Ab ipsis enim reis. Non utique, cum vel ex forma omnibus mysteriis silentii fides debatur. Si ergo non ipsis proditores suis sequitur ut extranei. Et unde extranicis notitia? Cum semper etiam pie initiationes arceant profanos, & arbitris careant. Nihil igitur obstat, quin Apostoli Sacris vestibus uti potuerint: quod verò usi sint, pietas eorum & erga augustissimum ministerium reverentia evincit. Et si aliquando communibus indumentis uti instans necessitas coagit, non aliis sane quam illis, quae tunc honestiora habebantur. Nec improbabile puto, quod quedam ex illis in sacros usus translata, & quodammodo sanctificata fuerint, quibus propterea profani homines ad fidem conversi, uti deinceps, ob divini sacrificii reverentiam, desierint.

III. His præmissis de primæ Missæ apparatu, disquerendum nunc est, quibus verbis, sive qua formula Apostoli Sacrum peregerint, de qua rediua invenio veterum Patrum sententias inter se discrepantes. Nam Gregorius Magnus lib. 7. ep. 63. morem Apostolorum fuisse scribit, sola oratione Dominicæ oblationis hostiam consecrare; additis procul dubio verbis Consecrationis. Honorius item in Gemma animæ capite 86. Missam, inquit, Dominus Jesus instituit, quando ex pane & vino corpus & sanguinem suum fecit, & memoriam sui Suis celebrare precepit. Hanc Apostoli auxerunt, dum super panem & vinum verba, que Dominus dixit, & Dominicam orationem dixerunt. Clarius idem expressit Walfridus Strabo capite 22. de rebus Ecclesiasticis. Quod nunc agimus multiplici orationum, cantilenarum, & consecrationum officio, totum hoc Apostoli & post ipsos proximi, ut creditur, orationibus & commemoratione passionis Dominicæ, sicut ipse precepit, agebant simpliciter. Et relatio Majorum est, ita primis temporibus Missas fieri solitas, sicut modò in Paracœve Pachœ, in quo die apud Romanos Missæ non aguntur, communionem facere solemus, id est præmissa oratione Dominicæ, & sicut ipse Dominus noster precepit commemoratione passionis ejus adhibita, eos Corpori Dominicæ communicasse & Sanguini, quos ratio permittet. E contrario Proclus

Constantinopolitanus in libello de traditione divina Liturgie sic loquitur. *Salvatore nostro in celis assumpto, Apostoli antequam per omnem terrarum orbem dispergerentur, conspirantibus annis convenientes ad integrum orandum diem convertebantur: & cum multam consolationem in mystico illo Dominici Corporis sacrificio positam reperissent, fusissime longoque verborum ambitu Missam decantabant: id enim pariter ac docendi institutum ceteris rebus omnibus, tanquam praefiantius anteponendum existimabant. Maxima sane cum alacritate plurimoque gaudio huic divino Sacrificio tempus insumentes instabant impensè, jugiter memores illorum verborum Domini dicentes. Hoc est corpus meum. & Hoc facite in meam commemorationem, & Qui manducat meam carnem & bibit meum sanguinem, in me manet, & ego in eo. Quocirca & contrito spiritu multas preces decantabant impensè divinum implorantes Numen. Chrysostomus quoque Hom. 27. in primam ad Cor. idem affirmat. Cum sacras illas cenas accipiebant Apostoli, quid tum faciebant? Nonne in preces convertebantur & hymnos? nomine in sanctas vigilias? nomine in longam illam doctrinam & multæ philosophie plenam? Hæ sunt in speciem diffidentes Patrum sententiae, quæ facile conciliari possunt, si dixerimus, Apostolos utramque formulam & brevem & prolixam diversis temporibus adhibuisse: brevem quidem cum temporis angustiæ, vel persequentiū metu premebantur: prolixam vero cum per tempus & occupationes licebat. Credo autem, ab initio brevissimum fuisse Liturgiæ ritum, ita exigente primæ Christianitatis inter procellas adversantium nascientis conditione: postea vero crescente Fidelium numero cœperunt Apostoli lectiones, preces, ceremonias adjicere, quibus & sacrificiū dignitas clarius elucesceret, & major ipsis veneratio conciliaretur, pietasque Fidelium ac fervor magis accenderentur: exemplo nimirum veteris Testamenti, in quo plures a Deo ceremonias institutas sacræ Literæ nos docent.*

IV. Supereft nunc alia difficultas explananda, quā lingua Apostoli celebraverint. Joannes Echius lib. 2. de sacrif. Missæ cap. 2. nullo adhibito teste ausus est dissinire, Missam non nisi Hebraice aetam tam ab Apostolis quam ab eorum Successoribus usque ad tempora Adriani Imperatoris: & tune demum cœpisse Ecclesiam lingua Graeca in Sacris uti. Sed hujus sententiae nullum reperio apud Veteres fulcimentum; multa autem habeo, quæ ipsam convallant.

Secundo

Secundo, enim labente saeculo, quo vixit Adrianus, jam fides nostra in varias regiones propagata erat. Apostoli autem donum linguarum a Spiritu sancto acceperant; ut fidem, ejusq; mysteria singulis gentibus proprio cujusque idiomate prae dicarent & docerent, non exotico, & praesertim Hebraico, quod tunc temporis nec vulgo quidem Hebraorum notum erat. Deinde Jacobus Liturgiam suam græcè scripsit: hanc autem legitimum illius Apostoli factum esse suo loco ostendemus. Paulus item de publicis Ecclesiæ precibus ad Corinthios scribens, *Si benedixersi, inquit, Spiritus, qui supplet locum idiota quomodo dicit Amen super tuam benedictionem, quamnam quid dicas nescit?* Hæc autem verba S. Thomas & alii ita interpretantur, ut velint, Apostolum loqui de sacrificio Missæ, & nolle ipsum agi sermone prorsus ignoto & peregrino; qualis tunc erat Hebraicus Corinthiis & aliis nationibus. Afferendum itaque videtur, Apostolos eorumque Successores co idiomate in singulis regionibus usos, quod tunc illis commune & vernacularum erat: & ita Hierosolymis Chaldaicè; Antiochia vero, Alexandriæ & in aliis Græcorum Civitatibus Græcè, Romæ autem & in toto Occidente latinè celebrasse. Nititur hæc mea assertio antiquissimæ & immemorabili Ecclesiæ consuetudini: in Occidente enim non inventantur antiquæ Liturgiæ, nisi Latine: In Oriente vero quamvis multæ diversarum linguarum nationes sint, quæ Christiana professione censentur, veteres tamen Liturgias non habent, nisi Græcæ quæ Græci, & Melchites, & Chaldaicæ lingua, qua Maronitæ, Nestoriani, & Jacobiti per varias provincias dispersi utuntur. Hinc autem liquet, vetustas offerendi formulas maximâ curâ & religiosissima sollicitudine à Majoribus nostris custoditas fuisse, ut sicut una esset fidès, ita una esset lingua communis, qua multæ nationes possent mutuo communicare. Missæ enim Chaldaico, Græco, & Latino sermone pri-
mum compositæ; eodem semper celebratæ sunt, quamvis illæ lingue desierint esse vulgares. Gentes autem, quæ in Occidente successu temporis Christianam Religionem amplexæ sunt, Germani, Franci, Angli, Poloni; & alii Septentrionales, Latinâ lingua, licet illis ignota esset, Sacrificium offerebant. In Africa etiam Latinæ lingue usus in sacris semper viguit, licet eam populus non intelligeret, ut Augustinus testis est in Expositione inchoata Epistola ad Romanos. Idem accidit in Oriente quoad linguam Græ-

cam & Chaldaicam, nam iis utuntur in divinis officiis, quanvis Populis ignotæ sint, qui vel Græcæ vulgari, vel Arabicæ communiter loquuntur. Fert hoc rerum humanarum vicissitudine, ut linguae vulgares mutationibus subjectæ sint, vel quia corrumptuntur alterius Nationis commercio, vel quia Provinciæ in extraneorum Principum dominium transeunt, qui proprias leges, & mores, & linguam in eas introducunt. Vetus Gallorum lingua, qua uti solebant, priuquam Regnum illud in Provinciam a Romanis redigeretur, penitus abolita est. Sic etiam Hispani proprium amiserunt sermonem, cum potestati Romanorum subditi fuerunt. Veteres Francos, qui Regnum in Galii constituerunt, Germanica lingua loquutos Beatus Rhæmanus lib. 2. rerum Germanicarum ostendit, ex antiquissimo Codice Evangeliorum, quem Frisingæ se vidisse ait in linguan Franciam translatum, quæ eadem est ac Germanica. Regiones quoque Septentrionales à Romanis subiectæ latine loqui didicerunt, donec ipsa latina lingua interiit, & ex ejus corruptione in Italiâ, Galliâ & Hispania vulgares hodierna exortæ sunt. Eodem fato Græcæ, & Chaldaicæ extintæ, Turcica, Arabicæ, & aliae vulgares in plerisque Regni Orientalibus succederunt. Ut autem Religio adversus hujusmodi mutations inconcussa manaret, semper & ubique Orthodoxæ Ecclesia veteris idioma in divinis officiis retinuit, id exigen-
te Sacrarum rerum dignitate & maiestate, ut nihil in iis immutetur, nihilque erroneum aut impurum in eas irrepat: quod facile contingere, si eas ab antiquo sermone, quo ab Apostolis & Apostolicis viris traditæ sunt, in aliud recentiorem, vel à primævo diversum transferre licet. Quod si Græca, & Latina lingua conservata olim non essent, & usque ad nos propagatae propter necessarium earum usum in sacris functionibus, jam inutiles nobis forent veterum Conciliorum Canones, Antiquorum Pontificum Constitutiones, Sanctorum Patrum & aliorum Lubrations Græco, vel Latino sermone exaratae, quia nec eas legere, nec intelligere possemus; sicut non intelligimus præfatos Hispania characteres, qui in nummis conservati sunt, nec scimus, quid dicat Poenulus apud Plautum, quia lingua Punica, quæ ille loquitur, dudum interiit. Narrat Polybius lib. 3. hisp. quod cum inita pax est post secundum bellum Punicum, paœta primæ pacis vix intelligebantur, adeo lingua tempore interjecto mutata erat. Idem nunc appetet in

in Italicâ nostra, & in Gallicâ, multum enim discrepat hodierna ab antiqua. Cum ergo experientia docerit, singulis ferè saeculis vulgare idiomâ mutari, si Missa sermone vulgi celebraretur, iisdem mutationibus subjecta foret, non sine gravi dispendio debita venerationis, & cum evidenti periculo depravationis. Tolleretur etiam necessaria ad Fidei unitatem Ecclesiarum communicatio, quæ hoc vinculo neicitur: nec posset Sacerdos Italus in Galliâ, aut in Germaniâ, nec Germanus aut Gallus in Italia sacris operari. Quare sapientissime ab Ecclesia constitutum est, ut, quo idiomate Missæ primum institute sunt, eo semper celebrentur, licet populo ignorantis. Præcellit exemplum hujus disciplinae in veteri Testamento, nam cum populus post captivitatem Chaldaicè loqueretur, Psalmos tamen & Scripturas Hebraicè semper cantavit, & legit; quem morem Hebrei etiam hodie in Synagogis obseruant: nec enim voluit Deus mutari Scripturam, licet Populus linguam mutasset. Eadem Romanis cura fuit servandi in sacris sermonis antiquitatem, nam carmina Saliorum vix Sacerdotibus suis intellecta, ut ait Quintilianus lib. 1. *Instit. Orat. cap. 6.* nunquam mutarunt, quia vegetabat Religio, & confederatis utendum erat. De aliis gentibus, quæ lingua peculiaris sacra mysteria celebrant, locus agendi erit cum de propriis cujusque nationis Liturgiis tractabo.

CAPUT VI.

Diversas Ecclesiarum consuetudines in Missâ celebratione olim fuisse, & nunc esse. Quæ sit earum causa & origo. Sacrificium idem ubique quoad essentiam. Varios ritus fidei unitatem non ledere. Quid peccatum in hoc genere.

I. **M**issa institutio ita ad Christum referenda est, ut ipsum ejus Auctorem agnoscamus quo ad essentiam, quæ mutari non potest; cetera vero, qæ ad Preces, & Ritus, & Ceremonias pertinent; & quæ parascevaistica, & accessoria, ac veluti parerga sunt; ab Apostolis, eorumque Successoribus constituta fateamur. Huc enim pertinent Apostoli verba ad Corinthios, *Cetera cum venero disponam, ut docet Augustinus hunc locum tractans ep. 118. ad Januarium: Unde, inquit, intelligi datur, quia multum erat, ut in epistola coriolum illum agendi ordinem insinuaret,*

quem universa per Orbem servat Ecclesia, ab ipso ordinatum esse, quod nulla morum diversitate variatur. Sunt igitur quedam in omnibus Liturgiis, in quibus omnes Ecclesiae conveniunt, ut potè sine quibus Sacrificii ratio nullo modo subsisteret; cujusmodi sunt Panis & Vini præparatio, Oblatio, Confessatio, Consummatio, & ipsius Sacramenti communicare volentibus distributio. Aliæ item præcipue partes sunt, quæ licet ad sacrificii integratatem non spectent; in omnibus tamen omnium gentium Liturgiis reperiuntur, Psalmorum scilicet modulatio, lectio sacrae scripturae, Ministrorum apparatus, thurificatio, catechumenorum & aliorum profanorum exclusio, Preceatio pacis, Preces diuinae, Gratiarum actio, & si quæ alia sunt ejusdem generis. Modus autem & ritus, quibus haec omnia peraguntur, verba quibus preces concipiuntur, Ordo ceremoniarum, & reliqua minoris momenti diversis Ecclesiis diversa, & peculiaria sunt: nec ita ab Apostolis & Apostolicis viris instituta fuerunt, ut perpetuarent & immutabilia. Ideo in illis varietates apparent, & mutations, quæ unitatem Ecclesiae non scindunt, nec Fideles offendunt. Narrat Augustinus Ep. 118. sibi dubitanti de variis Ecclesiarum observationibus dixisse Ambrosium; *Ad quam forte Ecclesiam veneris, eius morem servâ, si cuiquam non vis esse scandalum; nec quemquam tibi.* Idem Ep. 86. *In his rebus, de quibus nihil certi statuit divina Scriptura, mos populi Dei vel instituta majorum prolege tenenda sunt: de quibus si disputare voluerimus, & ex aliorum consuetudine altos improbare, orientis interminata luctatio.* Hieron. Ep. 28. ad Lucinium, *Illud te breviter admonendum puto, traditiones Ecclesiasticas, præsertim quæ fiduci non officiant, ita observandas ut a majoribus traditæ sunt: nec aliorum consuetudinem aliorum contrario more subverti.* Nicolaus I. Ep. 2. ad Photium. *De consuetudinibus quas nobis opponere vishi estis scribentes per diversas Ecclesias, diversas esse consuetudines, si illis canonica non obsistit auctoritas, pro qua obviare debeamus, nihil judicamus, vel sis resistimus.* Fulbertus Carnotensis Ep. 2. ad Finardum: *Plura sunt in ecclesiasticis officiis, in quibus Orientales Ecclesie & nostræ communi observatione sibi respondent: sunt vero alia, in quibus alias ab aliis cultu dispari, & varia observatione audiūimus diffinire. Nec tamen nos offendit observatione diversitas, ubi fidei non scinditur unitas.* Ernulfus Roffensis Episcopus Epist. 2. Tomo 2. Spicilegii editæ, Christum ait docuisse quæ facienda erant, sed non præfixisse modum quo fieri

X X debarent.